

शरण आप री आया मैया

शरण आप री आया मैया, आस पुरावो मारी जी
कारज सारों नी जोधाणा री मावड़ी

राव जोधा जी नगर बसायो, गढ़ री नीव लगाय जी
दक्षिण छोर में मन्दिर थापियों
चिड़ियानाथ जी श्राप दियो मां, मुख नही देखे पोता रो
पाणी रा फोड़ा तो जोधाणा में पडसी

मंडोवर सु उतरी भवानी, परिहारो री कुलदेवी मां
सन 14 में किले आविया
सुता राजा ने सपनो आयो, दर्शन दिना आय जी
राव जोधा ने पचों देवियों

भारत पाक रो झगड़ो रचियो, 65 71 री साल जी
सांवली बणने पंख पसारिया
उड़न खटोला आया पाक सु, गोला बारूद गिराया जी
गढ़ जोधाणा ने मैया बचावियो

महिषासुर रो वध करियो मां, काली रूप बनायों जी
दुखड़ा तो मेटिया माता चामुंडा
काला गोरा भेरू संग में, सिंह री असवारी जी
जग री कल्याणी मोटी मावड़ी

जात जडूला मैया थारे, चरणा धोक लगावा जी
मेलो भरीजे नोरतो में जोर रो
सूर्य नगरी पर मेहर राखो, करण प्रजापत गावे जी
किले री धणीयोणी हेलो सांभलो

गायक - करण प्रजापत

<https://www.bhajanganga.com/bhajan/lyrics/id/33875/title/sharan-aap-ri-aaya-meyaa>

अपने Android मोबाइल पर [BhajanGanga](#) App डाउनलोड करें और भजनों का आनंद ले |